

آبونه شرائطی : هر بر ایچون
 سنه لکی (۴۰۰) الی ایلنی
 (۲۲۵) ، ممالک اجنیه ایچون
 سنه لکی (۴۵۰) ، آلتی آیلنی
 (۲۵۰) غروشدور.

نسخه سی ۷،۵ غروشدور .
 سنه لکی ۵۲ عدددر .

اداره خانه : باب عالی جاده سنده
 رشید افندی خاندنه

اخطارات

آبونه بدلی پیشیندر .

مسلمه موافق آثار مع المنونیه
 قبول اولتور . درج ایدلین
 یازیلر اعاده اولتماز .

والله یهدی من یشاء الی صراط مستقیم

باش محرر
 محمد حاکف

صاحب و مدیر
 اشرف ادیب

آدره سی بیله آیرمجه
 غروش کوندرملیدر .

مکتوبلرک امضاری واضح
 و اوقوناقلی اولسی و آبونه
 صره نومروسی محتوی
 بولونسی لازمدر

ممالک اجنیه ایچون آبونه
 اولانلرک آدرس لرینک
 فرانسجه یازلسی رجا اولتور .

یاره کوندرلدیکی زمان نهیه
 دائر اولدینی بیلدیرلسی
 رجا اولتور

اتبعون اهدکم سیل الرشاد

الکشاف

۱۳۳۰

بو بوزغونچیلر حریت ، حریت دییه ، دییه قیز وارکک اولادی آنالرینک ، بابالرینک نفوذلری ، تربیه لری ، تأثیرلری آلتندن چیقاردیلر؛ ابوینک اولاد اوزرنده یالکیز محکمه لرده نظر اعتباره آلینه بیله جک قورو برحق ولایتلری قالمش ایدی . شیمدی مدنیت ، مدنیت ، دییه کنج قیز وارککله او حق ده اوزرلرندن آندیره رق کلیاً باشی بوش بیراقی ایسته یورلر . . . کیم بیلیر دهانه لر یاقی ایسته یه جکله ؟

بشقه بریله ازدواجنه شرعی وقانونی مانعی بولنان برکیمسه ازدواج ایتمه ک قالدیشه جق ، محله امامنه نکاح قیدیرامیه جغنی آکلایه جق ، چونکه مانع ازدواج برحالی بولندیغنی محله اهالیسیله برابر امام ده بیله جک ، کلین وکوکی نامزدلری کاتب عدلاکجه مراجعت ایتمکی یکانه بر چیقاریول اولق اوزره دوشونه جک و مراجعت ده ایده جک ، کیم بیلیر هانکی کیمسه دن آلاجنی علم وخبری کوستره جک ، پاره ایله صائون آلتمش بو علم وخبره استناداً کاتب عدل درحال نکاحلرینی قیه جق ، بوزغونچیلر بویکی ازدواجک میساحیلری اوله جق ، مدنیت مدالیسه سی ده بالطبع اولنرک کوسلرینه تعلیق ایدیله جک . . . هی کیدی مصلحله . . .

عصریلرک ارتدادی حمایه لری

مظفر اسمنده بر خانم قوجه سندن بوشاق ایسته مش ، قوجه سی موافقت ایتمه مش ، حتی باباسی نزدنده بولنان زوجیه سینه بر مکتوب کوندره رک ، الله امرایتسه دخی کنیدیسی بوشامایه جغنی بیلیریمش ، نهایت ایش محکمه یه دوشمش ، مظفر خانمک دعوی وکیلی ، زوجک ارتداد ایتمش اولدیغنی ، بناء علیه نکاحک کنیدی کنینه انفساخ ایتمش بولندیغنی ایلری سوردرک محکمه دن او یولده بر قرار آلق ایسته مش ، فقط محکمه ارتداد تلی ایتمه مش ، دعوی وکیلی ده فتواخانه یه مراجعت ایده رک او سسوزک موجب ارتداد اولدیغنه ونکاحک بالطبع منفسخ بولندیغنه دائر بر فتوی آلمش ، فقط بو آنده زوج ایله زوجیه آرهنده محکمه وقوعه کلمش مسئله ده بوسورتله قاپانمش ایسه ده عصریلر حادثه یی محکمه صالونندن سوروکله یه سوروکله یه ، مطبوعات ستونلرینه کتیرمشلردر .

اولاً « اقدام » مخبری حادثه یه عصریلرک نظر دقتلرینی جلب ایتمش ، کیتیدن بوسورتله خبردار اولان عصریلک علمداری حسین جاهد بک (هانکی مملکتده یز؟ هانکی عصرده یز؟) سرلوحه سیله یازدیغنی باش مقاله ده ارتدادی بوتون قوتیه حمایه ایتمه ک جالیشمش وعصریلک مکتبک ممتاز شا کردلرندن نجم الدین صادق بک ده آقشامده (عرف وقانون) سرنامه سیله بر باش مقاله یازارقی استادی تأیید ایتک وظیفه شناسلغی کوسترمشدر .

آرهنده عجبانه مناسبت وار؟ زواللی مدنیت ؛ مدنیتک نه دیمک اولدیغنی بیلمه یسلرک آلرنده ، دیلرنده نه ایکننج حالله کلدک ، نه کولونج موقعله دوشدک . . سن بر فضیلت ایکن رذیلت اولدک . . سن بر نور ایکن ، ظلمته انقلاب ایتدک . . سن بر علویت ایکن ، سفلیت تلی اولنیورسک . . سن بر حامل سعادت ایکن ، واسطه سفاهت اتخا ایدلدک . . تعزیت ، تعزیت سکا ای مصیبتزده مدنیت یازیق ، یازیق سکا ای خادم بشریت . .

اگر مدنیت ، بوزغونچیلرک ظن ایتدیکی کبی برشی ایسه ، سوقاق لونیاتی اوزرنده طاشیان بلدیله عربهلری کبی ، اخلاق واجتماعیات لونیاتی سینه سنده طاشیان بروسطه فسق وفجور ایسه ، مسلمانلر اولیه مدنیتی مفتونلرینه بیراقه رق وحشی قالمای جان منت تلی ایده جکلردر . .

بوزغونچیلرک نکاحلری کاتب عدلله قیدیرمق ایسته دکلرینک سبی نه ایمنش بیلیرمیسکیز؟ هرملته منسوب قادین وارککلر یکدیگریله سوشیورلریمش ، یکدیگرلرینی آلق ایسته یورلریمش ، فقط پاپاسلر ، خاخالملر ، اماملر اولنرک نکاحلرینی قییمیورلریمش ؛ چونکه دینلر ، آیری آیری دینلر منسوب قادینلرله ارککلرک یکدیگریله ازدواج ایتهلرینه مانع اولیوریمش بو حال استانبولک مدنی بر شهر حاله کلمسه امکان ویرمیوریمش ؛ بوردک یکانه دواسی ازدواج مسئله لرینک پاپاسلرک ، خاخالملرک ، اماملرک آلرنده رقی کاتب عدلله ویرلمسی ایمنش ، بشقه درلو ، مدنی بر ملت اولق احتمالی یوقش . . . اوله یا ؛ یکرمنجی عصر مدنیتده بولنیورزه بویه بر عصرده دینلری ، پاپاسلری ، خاخالملری ، اماملری نکاح مسئله لرینه قاریشدیرمق قادار مدنیتسزلک ، اسکی قافاللق اولورمی ؟ . .

بوزغونچیلرک بو نظریه لرینه کوره هر هانکی بر مسلمان قیزی مسلمان اولمایان هر هانکی بر ارکک ایله معاشقه ده بولنه رق ، نهایت اوکا وارمق ایسته یه جک ؛ فقط ، نه منسوب اولدیغنی طاهر رئیس راضی اوله جق ، نه ده محله اماملری نکاحلرینی قیه جق . . . بوجهی بیلن خانم افندی طوغریدن طوغری یه کاتب عدلاکجه مراجعت ایده رک ، ساخته شاهدلر و یا خود ساخته وثیقه لر ایله ازدواج مانع برحالی بولمادیغنی اثبات ایده جک ، کاتب عدلاکده همان نکاحلرینی قیه جق ، عایشه خانم افندی کیریبه خرستو ویا بارون خاچیک ، یا خود موسیو بیهر ایله قول قوله کیره رک اورادن آریله جقلر . . بوسورتله استانبولده مدنی بر شهر حاله کلمش اوله جق . .

دینی ، مذهبی ، ملیتی اولانلر بو رذالت اجتماعیه یی ، بو دنانت اخلاقیه یی ، بو حقارت دینی یی ، بوجنایت مذهبی یی ، بواهانت ملیه یی قبول ایده مزلر . بوزغونچیلرک عصری معده لری ، مدنی حوصله لری بو قادار کنیش ایسه ، اوکا دییه جک یوق . .

حسین جاهدك ، بوحادثه دن متولد انطباعات روحیه سی شو فقره ایله ایضاح ایدیور :

« وقعه بوکون استانبولده ، کندی کوزلرمزك اوکنده ، برمحکمه ده جریان ایدیور . بلااختیار کندی کندی مزه دنیاك هانکی مملکتنده یز ؟ هانکی عصرده یز ؟ سؤالی ارادایتك . بویوك برانقلاب یاهورق جمهوریتی تأسیس ایتمش ، ماضیتك عنعنه لرندن رابطه سی کسمش ، دین ایله دنیا ایشلرینی بربرندن آیرمش یکرمنجی عصر ده موقراسی تورکیاسنده می یز ؟ » بوسؤاله اوت دییه بیلمك ایچون ایچه برجرات ایستر . برقاچ کون اول دولوییکاردن قولاقلمزه عکس ایدن نجات وسلامت مژده لری ایله بوقاره روحی وفکری ارتجاع بولوتی آراسنده نه عظیم بر تضاد وار : ایکی تورکیا ، نور وعرفان ، مدنیت وتجدد تورکیه سی ایله انسانك روحنی ودماغنی بوغان ، موجودیتنی مطاوعتکار برماکنه حالنه کترین ، جهالت وانحطاط ایچنده چورومک محکوم ایدیلن کهنه عصرلرک تورکیاسی حالا ، حالا یان یانه یاشیور . »

بز ، حسین جاهدك ، عصریحی ، لایقجی اولدیغنی طنین ستونلرنده یازیلرینی اوقومایه باشلایه لیدن بری بیلور ایدک . بز ، میر مومی الیهک عصرلک ذهنیتنه ، لایققلق قناعتنه مداخله ایتک املنده دکله . فقط کندیسنده کوردیکمز برکوز آچیققلی ، آل چابوققلی حیرتمزی موجب اولور . هر شکل اداره نی کفر وارتدادك طبیعی برحامیسی اولمق اوزره تلقی ایدیور وهر کسه ده اولیه تلقی ایتدیرمک چالیشور . دون ، مشروطیتی کفر وارتداد حامیسی کوستریوردی ، بوکون ده جمهوریتی اولیه تلقی ایدیور واولیه تلقی ایتدیرمک ایچون اوضراشیور . دنیاك هر طرفنده مختلف شکل اداره لر کوریلور . فقط هیچ بر شکل اداره ك کفر وارتدادی حمایه ایتدیکی کورولور . فی الحقیقه ، ارتداد واهتداله قارشى بیطرف بر وضعیت آلان حکومتلر یوق دکلد . فقط بو کیفیت اداره سیستمك مقتضاسی دکل ، اداره آدمیرینك کندی ذهنیتلری محمولیدر . مع هذا ، بیطرفلق دیمک هیچ بر زمان کفر وارتداد حامیسی دیمک دکلد . بوکا مقابل ، حسین جاهدك کفر وارتداد عصری تلقی ایتدیکی بوکونکی یکرمنجی عصرک ملتلی کفر وارتدادك دکل ، ایمان واهتدالك حاملیدر . بوکون اك عصری ملتلی ایچنده اك متدین ملتلی کوریور . وبوندن عصریلکک ده کفر وارتدادی حمایه ایتدیکی آکلابورز . حتی بعض غرب ملتلینی پک متدین بر حاله کتیرمش اولدیغنه باقارق ایمان واهتدالك حامیسی بولندیغنه اعتماد ایتک ایسته یورز . ایمان واهتدا مسئله لری بین الملل بر مسئله در . بوتون هیئت اجتماعیه لرایمان واهتدالك حاملیدر . کفر وارتدادك حامیسی هر هیئت اجتماعیه ایچنده بولنان بر قسم فردلردر .

حسین جاهدك افندی تورکیه کی مسلمان مملکتنده ، مسلمان محکمه سنده ، غرب ملتلرنده فکر الوهیتی تقویه ایدن یکرمنجی عصرده ، دینك دین اسلام اولدیغنی قبول واعلان ایدن جمهوریت دورنده ارتداد کی بر حادثه شیعنهك موضوع بحث ارملاسنه عجباً نه دن طولانی تحمل ایدمیور ؟ وهانکی اساسه استناداً ، هانکی صلاحیتنه بناء جمهوریتی ، یکرمنجی عصری ، محکمه لرمزی ، هیئت اجتماعیه مزی سولینك بوتون ضابطه قوتلرینی موهوم براختلاله قارشى سوق ایتمی کی - کفر وارتداد حاملککنه سوق ایتک ایسته یور . اولیه برمانوره اجرا ایتدیکندن طولانی والی بکی مظهر عثمان بکه معاینه ایتدیرمک ایسته یور حسین جاهدك ده ، کفر وارتدادی حمایه ایتدیکندن وبوتون قوتلری اونلره قارشى حمایه کارکوستردیکندن طولانی عین وجهله محتاج معاینه عدایدیلک لازم کلزمی ؟ استقلال محکمه سی حضورنده ، بیلمه یز ، مردلک نامنه می ، یوقسه مردلککندن فدا کارلق نامنه می لایق اولدیغنی سولیدکن صوکره ، ایکنجی محاکمه ائساننده لایققلق دینسرلک دیمک اولدیغنی درمیان ایدمک فکر الوهیت طوغری علنی براتجاعده بولنان میر مومی الیهک بوکون بوفکرک علیهنده آتش بوسکورمه سی دماغنده نه حافظه ، نه ده موازنه قالمادیغنی کوسترمکده در . بوکون ، کفر وارتداد علیهنده بولنای ، فنوی آلینماسی روحی وفکری برارتجاع ، قاره بر جهالت ، کهنه بر ذهنیت عدا ایتمه سنه نظراً ، ایمان واهتدا اساسلرینی الفا ویرلرینه کفر وارتداد اقوملرینی اقامه ایتدکن صوکره کفر وارتداد علیهنده بولنالی یز که ارتجاع موضوع بحث اوله بیلسین . حال بوکه بز ، اولیه بر حالدن خبردار دکلز .

بز ، حسین جاهدك بکه صوک سوز اولمق اوزره شونی سولیه جکرکه فکر الوهیت طاشیمق اکر فکر ارتجاع طاشیمق دیمک ایسه ، دنیایی بر ارتجاع دنیاسی اوله رق قبول ایتیلدر . چونکه فکر الوهیتدن تجرد ایتمش هیچ بر ملت موجود دکلد .

« لایق » نه دیمک !

بو هفته بزه (حر فکر) دییه بر غزته پارچه سی کوندرمشلر . باقدق ، باش مقاله سی طوغریدن طوغریه دین علیهنده ، مسلمانلق علیهنده آتشلر بوسکوریلور . بردنبره موسقوده نشر اولوندیغنی ظن ایتدک محل انتشارینی تدقیق ایدنجه ایزمیتده باصیلیمقده اولدیغنی کوردک . حیرت ایتدک ، مسلمانلق کندی دیارنده خنجرله یور . اسلامیه قارشى بو نه مدهش غیظ وخصومت ! محرر عادتاً قودورمش ، دینه قارشى اولیه صالدریور که بر بولشه ویک آنحق بویه بر حرکتده بولونه بیلیر .